

# REGULAMENTO

Organiza



CONCELLO DE MAZARICOS

Contra vento e marea...  
**I CARREIRA PEDESTRE  
CONCELLO DE MAZARICOS  
30.07.2016**

Carreira 3K Contra o Cancro + aecc

**HORARIO**  
18:45: Benxamin e Alevín  
19:15: 3 K Contra o Cancro (Absoluta, Xuvenil, Cadete e Infantil)  
20:00: Píndalo  
20:15: 10 K Sénior, M40 e M50  
21:30: Entrega de trofeos

facebook

CONTRA VENTO E MARZA ...

correndo pola COSTA DA MORTE

INSCRICIONS E INFORMACIÓN: [www.championchipnorte.com](http://www.championchipnorte.com) e concello de Mazaricos  
REMATE DE INSCRICIONS: 27 de xullo  
FILA D: as persoas que desexen colaborar coa Asociación Provincial contra o Cancro, sen participar na carreira, poderán facelo inscribindose no apartado Fila D que aparecerá na web [www.championchipnorte.com](http://www.championchipnorte.com)

**III CIRCUITO DE CARREIRAS POPULARES  
correndo pola COSTA DA MORTE**  
CAMARIÑAS VIMIANZO MAZARICOS DUMBRIA ZAS CEE MUXIA CARNOTA CORCUBIÓN FISTERRA

Patrocinadores

Colaboradores





## 1.- IDEOLOXÍA

O Circuíto de Carreiras Populares “*Correndo pola Costa da Morte*” é un programa anual de carreiras populares, que ten por obxectivo fomentar a práctica de actividade física e deportiva como medio para alcanzar unha vida máis saudable.

Dito circuíto está promovido e organizado por un conxunto de concellos da Costa da Morte: Camariñas, Carnota, Cee, Corcubión, Dumbría, Fisterra, Mazaricos, Muxía, Vimianzo e Zas.

Nesta competición poden participar todas aquelas persoas que o desexen, tanto nenos/as como adultos (dende os 3 anos).

As posibilidades de participación son fundamentalmente dúas en sénior:

- **Corredores de carreiras:** son aqueles deportistas (adultos e menores de idade) que se inscriben nunha ou en varias das probas das que se compón o circuíto pero que non participan na competición do circuíto. Deberán facer unha inscrición por cada unha das probas nas que desexen participar. Nas categorías de adultos os corredores terán a posibilidade de inscribirse na proba 3K Contra o Cancro ou 10K.  
Na proba 3K Contra o Cancro participarán en categoría absoluta independentemente da súa idade. A distancia desta proba poderá variar entre os 3.000 e os 4.000 metros en función do concello organizador.  
Na proba 10K (categorías sénior, M40 e M50) a distancia poderá variar entre os 8.000 e 10.000 metros en función do concello organizador.
- **Corredores de circuíto (3K Contra o Cancro e 10K):** son deportistas (adultos) que se inscriben co obxectivo de completar un mínimo de sete probas do circuíto na modalidade de 3K Contra o Cancro ou 10K. Estes atletas entran na clasificación particular das probas nas que participan e tamén na clasificación xeral do circuíto. Deberán facer unha única inscrición e correr obrigatoriamente con chip amarelo.

**En categorías base** as posibilidades de participación son fundamentalmente dúas:

- ♦ **Corredores de circuíto (todas as categorías excepto Pitufos):** son os atletas que participan na liga.
  - As inscricións para os corredores/as de circuíto pecharanse antes da celebración da cuarta proba puntuable.
  - Farase na Plataforma championship [www.championchipnorte.com](http://www.championchipnorte.com). A **autorización paterna para todo o circuíto** deberá imprimirse e ser presentada debidamente cuberta e asinada á hora de recoller os dorsais e chip **en cada unha das probas do circuíto (o chip terán que devolvelo despois de cada carreira)**.
  - A autorización poderá ser descargada en [www.championchipnorte.com](http://www.championchipnorte.com) ou nas páxinas web dos diferentes Concellos organizadores.
  - Teñen que asistir a un mínimo de sete carreiras do total do circuíto para puntuar.
- ♦ **Corredores de carreira:**
  - 1) Plataforma championship [www.championchipnorte.com](http://www.championchipnorte.com) A **autorización paterna** deberá imprimirse e ser presentada debidamente cuberta e asinada á hora de recoller os dorsais. Dita autorización poderá ser descargada en [www.championchipnorte.com](http://www.championchipnorte.com) ou na páxina web dos diferentes Concellos organizadores.

## 2.- PROBAS

- ♦ O circuito estará composto por un total de 10 probas. Comezará o día 13 de marzo de 2016 coa V Carreira Popular Concello de Camariñas, e rematará o 16 de outubro de 2016 coa III Carreira Popular Concello de Fisterra.

	CONCELLO	DATA	PROBA
<b>1ª proba</b>	Camariñas	13-03-2016	V Carreira Pedestre Concello de Camariñas
<b>2ª proba</b>	Vimianzo	24-04-2016	VI Carreira Pedestre Concello de Vimianzo
<b>3ª proba</b>	Mazaricos	30-07-2016	I Carreira Pedestre Concello de Mazaricos
<b>4ª proba</b>	Dumbría	28-05-2016	II Carreira Pedestre Concello de Dumbría
<b>5ª proba</b>	Zas	04-06-2016	III Carreira Pedestre Concello de Zas
<b>6ª proba</b>	Cee	25-06-2016	III Carreira Pedestre Concello de Cee
<b>7ª proba</b>	Muxía	10-07-2016	III Carreira Pedestre Concello de Muxía
<b>8ª proba</b>	Carnota	21-08-2016	XXV Carreira das Areas Concello de Carnota
<b>9ª proba</b>	Corcubión	17-09-2016	XV Carreira Pedestre Vila de Corcubión
<b>10ª proba</b>	Fisterra	16-10-2016	III Carreira Pedestre Concello de Fisterra


- ♦ Os horarios das carreiras das distintas categorías serán establecidos polo concello organizador e poderán ser consultados en [www.championchipnorte.com](http://www.championchipnorte.com) así coma nas diferentes páxinas web dos concellos.

## 3.- CATEGORÍAS, DISTANCIAS E HORARIOS

CATEGORÍA		IDADES	DISTANCIAS	HORARIOS
<b>Pitufo</b>	Mixto	2009, 2010, 2011, 2012	300 m. (aprox.)	20:00
<b>Benxamín</b>	Masculino Feminino	2008-2007	1.000 m. (aprox.)	18:45
<b>Alevín</b>	Masculino Feminino	2006-2005	1.000 m. (aprox.)	18:45
<b>Infantil</b>	Masculino Feminino	2004-2003	3.000 m. (aprox.)	19:15
<b>Cadete</b>	Masculino Feminino	2002-2001	3.000 m. (aprox.)	19:15
<b>Xuvenil</b>	Masculino Feminino	2000-1999	3.000 m. (aprox.)	19:15
<b>Absoluta 3K Contra o Cancro</b>	Masculino Feminino	1998 (incluído) e anteriores	3.000 m. (aprox.)	19:15
<b>Sénior 10K</b>	Masculino Feminino	1977-1998	<b>10.000 m.</b>	20:15
<b>Veteranos M40</b>	Masculino Feminino	1967-1976	<b>10.000 m.</b>	20:15
<b>Veteranos M50</b>	Masculino Feminino	1966 (incluído) e anteriores	<b>10.000 m.</b>	20:15


## 4.- PERCORRIDOS

**Carreira Alevín e Benxamín: 1.000 m. aproximadamente (18:45 h.)**




Percorrido: Campo da Feira, Avda. 13 de Abril, Rua Miguel Figueira, Rua do Batan, Rua Wolfran, Rua do Xallas, Avda. Francisco Suarez Salgado, Campo da Feira

**Carreira 3K Contra o Cancro (categorías Absoluta, Xuvenil, Cadete e Infantil): 3.000 m aproximadamente (19:15 h.)**



Percorrido: Campo da Feira, Rua Benito Jurjo, Avda. 13 de Abril, Rua Miguel Figueira, Rua Rey Ferradas, Igrexa, Quintans, A Picota, Rua do Wolfran, Rua do Xallas, Avda. Francisco Suarez Salgado, Campo da Feira

**Carreira 10K (categorías Sénior, M40 e M50): 10.000 m (20:15 h.)**  
**CIRCUÍTO HOMOLOGADO POLA FEDERACIÓN ESPAÑOLA DE ATLETISMO**



O circuÍto 10K e un recorrido de 5 Km ao que se lle dan 2 voltas:

Percorrido: Campo da Feira, Rua Benito Jurjo, Avda. 13 de Abril, Rua Miguel Figueira, Rua Rey Ferradas, Igrexa, Quintáns, Lugarnovo, Sanfoga, A Picota, Rua do Xallas, Avda. Francisco Suarez Salgado, Campo da Feira

**Carreira Pitufos: 300 m aproximadamente (18:45 h.)**



Percorrido: Circuito do Campo da Feira.



## 5.- NORMATIVA XERAL E DE SEGURIDADE do III Circuito de Carreiras Populares Correndo pola Costa da Morte e particulares da I Carreira Pedestre Concello de Mazaricos

1. Todas as probas incluídas no programa do circuito de carreiras populares “Correndo pola Costa da Morte” rexeranse pola **regulamentación de Seguridade Vial do Estado e da Comunidade Autónoma de Galicia**, que establece os requisitos esixidos para a celebración de probas deportivas na vía urbana (Real Decreto 1428/2003 do 21 de novembro, publicado no BOE nº 306 do 23 de decembro de 2003 sobre a ocupación da vía pública; e o Real Decreto 849/1993 do 4 de xuño de 2003, sobre a contratación do seguro de responsabilidade civil e de accidentes).
2. Cada proba estará subscrita ao **seguro de responsabilidade civil** do concello onde se realice, ou da Federación Galega de Atletismo. Tamén contará cun **seguro de accidentes** que terá as coberturas mínimas esixidas no Real Decreto 849/1993.
3. Así mesmo todas as probas contarán cun **servizo médico-sanitario**, que constará dunha ambulancia e un médico para aquelas probas que non superen os 750 participantes.
4. A organización da proba resérvase o dereito a modificar horarios e ou percorridos, así como aprazar ou suspender a carreira se así o estima oportuno por razóns de seguridade.
5. No caso de que para o día de celebración da proba se decrete unha **alerta laranxa a proba será suspendida** automaticamente. Buscarase unha data adecuada para desenvolve-la e non se devolverán os cartos da inscrición.
6. Os atletas que durante o transcurso da proba, circulen por fóra do espazo delimitado polos vehículos de sinalización de inicio e fin de carreira, considéranse a todos os efectos usuarios normais da vía.
7. Toda persoa que corra sen estar inscrita, farao baixo a súa responsabilidade e non poderá participar de trofeos nin obsequios. Tampouco estará amparada polos seguros da proba.
8. Poderanse efectuar reclamacións ante o Xuíz Árbitro da proba. A participación é libre e leva implícito a aceptación do Regulamento Xeral da proba. Todo o non previsto neste regulamento resolverase de acordo, por esta orden, as normas da F.G.A., RFEA e I.A.A. F. en vigor.
9. O concello de Mazaricos porá a disposición dos participantes na carreira o Pavillón Polideportivo de A Picota para que se podan cambiar e duchar.
10. Os únicos vehículos que poderán seguir a proba, serán os autorizados pola organización.
11. O concello de Mazaricos porá a disposición dos corredores e corredoras da carreira 3K Contra o Cancro e 10K un servizo de fisioterapia.
12. Os e as participantes adultos recibirán un agasallo conmemorativo no momento da recollida dos dorsais.
13. Descualificacións:
  - ♦ O servizo médico da competición está facultado para retirar durante a proba a calquera atleta que manifeste un mal estado físico.
  - ♦ Todo atleta que non realice o percorrido completo.
  - ♦ O atleta que manifeste un comportamento non deportivo ou se reitere en protestas ante a organización.





## 6.- DEREITOS DE IMAXE, USO DE DATOS E AUTORIZACIÓNS

Os deportistas inscritos comprométese a aceptar estritamente o presente regulamento e calquera posible modificación.

A solicitude de inscrición para os **deportistas menores** de idade deberá ir acompañada dunha **autorización paterna** segundo o modelo establecido pola organización. Dito modelo poderase descargar da páxina web do concello organizador así coma de [www.championchipnorte.com](http://www.championchipnorte.com).

A realización da inscrición implica ter lido, entendido e adquirido os compromisos que a continuación se expoñen:

- ♦ O atleta inscrito declara que está en bo estado físico e ten pasado os pertinentes recoñecementos de saúde.
- ♦ Calquera atleta con problemas médicos (alergia, atencións especiais,...) deberá facelo constar no reverso do dorsal da proba.
- ♦ O atleta inscrito autoriza e acepta a publicación do seu nome e apelidos e a súa imaxe nas clasificacións, medios de comunicación e internet,(...) para a promoción do deporte. Calquera persoa inscrita poderá prohibir a utilización da súa imaxe previa solicitude expresa por escrito.

## 7.- SISTEMA DE CRONOMETRAXE / CHIPS E RECOLLIDA DE DORSAIS

- ♦ Para controlar as probas estableceranse controis de cronometraxe por chip (deberá ir suxeito aos cordóns das zapatillas).
- ♦ Será obrigatorio o uso de chip para todas as categorías (facilitado pola organización), **agás pitufo**.
- ♦ Será obrigatorio o uso de dorsal para todas as categorías (facilitado pola organización).
- ♦ O atleta que non porte o chip non poderá entrar na clasificación da proba nin lle computará na clasificación do circuito.
- ♦ O atleta que non porte dorsal poderá ser descualificado se así o estima a dirección de carreira.
- ♦ O **horario de apertura das mesas** para a recollida de dorsais será **ás 17:30 na Praza da Picota**. Os dorsais e chips poderanse recoller ata 30 minutos antes do inicio da proba.
- ♦ Os **corredores de circuito 10K ou 3K Contra o Cancro** que participan na liga deberán usar obrigatoriamente o **“chip amarelo”**. Do mesmo xeito empregarán un **único dorsal** para todas as probas do circuito.
  - Tanto o dorsal coma o chip (no caso de non posuílo) recollerase na primeira proba do circuito na que participen os inscritos, no lugar habilitado para tal efecto. A retirada de dorsal e chip deberá realizarse como mínimo con 30 minutos de antelación ao inicio da carreira.
  - No caso da perda do chip o atleta deberá mercar outro a través da páxina de Championchip.
  - No caso da perda ou rotura do dorsal, poderá solicitar outro á organización. Non haberá posibilidade de solicitar un terceiro dorsal.
- ♦ Os **corredores de carreira** e os corredores de categorías inferiores (os de circuito e carreira) usarán o **“chip de carreira”**, que deberán **devolver** á organización **ao remate** da mesma.
  - Estes corredores deberán recoller o seu dorsal e chip antes da carreira no lugar habilitado para tal efecto ata 30 minutos antes do inicio da proba.



- ♦ Os chips son persoais e intransferibles polo que a suplantación da personalidade dos atletas, sancionarase coa expulsión do circuito do portador e do/a atleta suplantado, anulando todos os dereitos adquiridos coa inscrición no circuito.

## 8.- INSCRICIÓNS

As inscricións realizaranse a través da páxina web [www.championchipnorte.com](http://www.championchipnorte.com), ata o mércores 27 de xullo ás 23:59.

As inscricións para os participantes nas categorías sénior, M40 e M50 só se poden facer a través da plataforma de Championchip.

As inscricións para os atletas menores de idade poderá realizarse a través da plataforma championchip ou presentando un formulario de inscrición no departamento de deportes do concello organizador, ou no lugar indicado polo concello organizador a tal efecto.

Existen dous tipos de inscrición para atletas adultos:

- ♦ **Corredores de circuito:** son os atletas que participan na liga.
  - Os atletas poderán participar no circuito 10K ou no 3K Contra o Cancro (deberán especificalo no momento de realizar a inscrición).
  - Teñen que asistir a un mínimo de sete probas do total do circuito.
  - Deben usar obrigatoriamente “chip amarelo” e usarán un dorsal único para todo o circuito.
  - Realizarán a inscrición e o pago unha única vez.
  - As inscricións para os corredores de circuito pecharanse antes da celebración da cuarta proba puntuable.
- ♦ **Corredores de carreira:** son atletas (adultos) que só participan de maneira puntual nalgunha das probas do circuito.
  - OS CORREDORES DE CARREIRA PODERÁN INSCRIBIRSE NA PROBA 10K OU NA PROBA 3K CONTRA O CANCRO.
  - Non participan na liga.
  - Deberán realizar a inscrición para aquelas probas nas que queiran participar.
  - Deberán correr cun chip que se lles facilitará no momento da recollida do dorsal e que deberán devolver ao remate da proba.

Cotas de inscrición:

- ♦ A inscrición para os atletas adultos (sénior e veteranos) para unha proba determinada terá un custo de 5 € para aqueles corredores que posúan chip, e de 6 € para aqueles corredores que deban alugar o chip.
- ♦ A inscrición para os atletas adultos (sénior e veteranos) **para o circuito** terá un custo de 25 € para aqueles que teñan chip en propiedade, e de 35 € (25 € de inscrición + 10 € pola compra do “chip amarelo”) para aqueles que deban mercar o chip.

A participación no circuito de carreiras populares “Correndo pola Costa da Morte” permite aos atletas adquirir o “chip amarelo” en propiedade por un prezo reducido de 10 €. Dito chip será válido para participar en calquera proba cronometrada por Championchip.



Existen dous tipos de inscrición para atletas de categoría base (as cales serán gratuítas)

- ▶ **Corredores de circuito (todas as categorías excepto Pitufos):** son os atletas que participan na liga.
  - As inscricións para os corredores/as de circuito pecharanse antes da celebración da cuarta proba puntuable.
  - Farase na Plataforma championship [www.championchipnorte.com](http://www.championchipnorte.com). A **autorización paterna para todo o circuito** deberá imprimirse e ser presentada debidamente cuberta e asinada á hora de recoller os dorsais **en cada unha das probas do circuito**. Dita autorización poderá ser descargada en [www.championchipnorte.com](http://www.championchipnorte.com) ou en [www.mazaricos.gal](http://www.mazaricos.gal)
  - Teñen que asistir a un mínimo de sete carreiras do total do circuito.
- ▶ **Corredores de carreira:**
  - 1) Plataforma championship [www.championchipnorte.com](http://www.championchipnorte.com) A **autorización paterna** deberá imprimirse e ser presentada debidamente cuberta e asinada á hora de recoller os dorsais. Dita autorización poderá ser descargada en [www.championchipnorte.com](http://www.championchipnorte.com) ou [www.mazaricos.gal](http://www.mazaricos.gal).
  - 2) Presentando a **autorización paterna asinada** no Sevizo Municipal de Deportes do concello de Mazaricos.

**Os participantes de categoría Pitufos poderán facer a inscrición do seguinte xeito:**

- 1) Plataforma championship [www.championchipnorte.com](http://www.championchipnorte.com) A **autorización paterna** deberá imprimirse e ser presentada debidamente cuberta e asinada á hora de recoller os dorsais. Dita autorización poderá ser descargada en [www.championchipnorte.com](http://www.championchipnorte.com) ou na *páxina web dos diferentes Concellos organizadores*.
- 2) Presentando a **autorización paterna asinada** no Departamento de Deportes dos diferentes Concellos organizadores ou entregándoa nas conserxerías dos Centros Educativos.

**O prazo de inscrición pecharase o mércores 27 de xullo ás 23:59 h. e non se aceptará ningunha inscrición unha vez rematado dito prazo.**

## 9.- CARREIRA 3K CONTRA O CANCRO

### Carreira 3K Contra o Cancro



Na 3ª edición do Circuito é que este ano a carreira 5K pasa a ser **3K** e seguiremos **colaborando coa Asociación Provincial Contra o Cancro**. Deste xeito todo o que se recade coas inscricións desta proba (agás o correspondente ao aluguer ou compra de chips) irá destinado a ese fin e será entregado a dita asociación cando remate do circuito, na gala de entrega de trofeos.

Así mesmo todas aquelas persoas que desexen colaborar coa Asociación Provincial contra o Cancro, sen participar en ningunha competición, poderán facelo inscribíndose no apartado **Fila 0** que aparecerá na web [www.championchipnorte.com](http://www.championchipnorte.com), dentro de cada unha das probas que compoñen o circuito.



## 10.- CLASIFICACIÓNS E TROFEOS/MEDALLAS NA VI CARREIRA PEDESTRE CONCELLO DE VIMIANZO

A entrega de trofeos das diferentes probas realizarase ás 21:30 na Praza da Picota

### ♦ Clasificacións da proba 10K:

- Optan a esta clasificación todos os/as atletas participantes na proba.
- Recibirán trofeo e/ou medalla e subirán ao podio os tres primeiros/as clasificados/as en cada unha das categorías (sénior, M40 e M50), independentemente da súa condición de corredores de carreira ou de corredores de circuito.
- Recibirán trofeo e/ou medalla o primeiro e primeira clasificado/a empadroadado/a do Concello de Mazaricos.

### ♦ Clasificacións da proba 3K Contra o Cancro:

- Optan a esta clasificación todos os/as atletas participantes na proba.
- Recibirán trofeo e/ou medalla e subirán ao podio os tres primeiros/as clasificados/as en cada unha das categorías Absoluta (nados en 1998 ou antes), Xuvenil, Cadete e Infantil independentemente da súa condición de corredores de carreira ou de corredores de circuito.

### ♦ Clasificacións da proba Benxamín e Alevín:

- Optan a esta clasificación todos os/as atletas participantes na proba.
- Recibirán trofeo e/ou medalla e subirán ao podio os tres primeiros/as clasificados/as en cada unha das categorías Benxamín e Alevín.

### ♦ Medallas conmemorativas:

- Ademais nas categorías Pitufo, Benxamín e Alevín, recibirán medalla conmemorativa todos os participantes en ditas probas.

## 11.- CLASIFICACIÓNS E TROFEOS/MEDALLAS DO III CIRCUÍTO CORRENDO POLA COSTA DA MORTE

### ♦ Clasificacións do circuito 10K:

- Para poder optar a esta clasificación os atletas deben inscribirse no circuito 10K. Os atletas que participen en todas as probas pero non se inscriban no circuito non optan a esta clasificación.
- Os atletas participantes no circuito deberán completar un mínimo de sete probas para poder optar aos premios.
- No caso de correr máis de 7 probas, o atleta puntuará cos mellores 7 resultados acadados.
- A puntuación acadada irá en función do posto obtido en cada unha das probas (1º posto=1 punto / 2º posto=2puntos / 3º posto=3 puntos....de xeito que o/a atleta con menor suma de puntos, será o/a vencedor/a en cada unha das categorías.
- No caso de empate a puntos o sistema de desempate será o seguinte:
  - Número de probas rematadas.
  - Maior número de mellores postos.
  - Maior distancia en quilómetros recorridos (no caso de que as carreiras teñan distintas distancias).
- Recibirán trofeo e/ou medalla de campións do circuito os tres primeiros e tres primeiras clasificados/as das categorías sénior, M40 e M50.
- Recibirán trofeo e/ou medalla o primeiro e primeira clasificado/a local (empadroados nos concellos organizadores do circuito).



- Recibirán trofeo e/ou medalla o primeiro e primeira clasificado/a foráneo (atletas non empadroados nos concellos organizadores do circuito).

#### ♦ Clasificacións do circuito 3K Contra o Cancro:

- Para poder optar a esta clasificación os atletas deben inscribirse no circuito 3K Contra o Cancro. Os atletas que participen en todas as probas pero non se inscriban no circuito non optan a esta clasificación.
- Os atletas participantes no circuito deberán completar un mínimo de sete probas para poder optar aos premios.
- No caso de correr máis de 7 probas, o atleta puntuará cos mellores 7 resultados acadados.
- A puntuación acadada irá en función do posto obtido en cada unha das probas (1º posto=1 punto / 2º posto=2 puntos / 3º posto=3 puntos....de xeito que o/a atleta con menor suma de puntos, será o/a vencedor/a en cada unha das categorías.
- No caso de empate a puntos o sistema de desempate será o seguinte:
  - Número de probas rematadas.
  - Maior número de mellores postos.
  - Maior distancia en quilómetros recorridos (no caso de que as carreiras teñan distintas distancias).
- Recibirán trofeo e/ou medalla de campións do circuito os tres primeiros e tres primeiras clasificados/as da categoría absoluta.

#### ♦ Clasificacións do circuito de base:

- Para poder optar a esta clasificación os atletas deben inscribirse no circuito de cada categoría de base. Os atletas que participen en todas as probas pero non se inscriban no circuito non optan a esta clasificación.
- Recibirán trofeo e/ou medalla de campións do circuito os tres primeiros e tres primeiras clasificados/as das categorías benxamín, alevín, infantil, cadete e xuvenil.
- Os atletas participantes no circuito deberán completar un mínimo de 7 probas para poder optar aos premios.
- No caso de correr máis de sete probas, o atleta puntuará cos mellores 7 resultados acadados.
- A puntuación acadada irá en función do posto obtido en cada unha das probas na súa categoría (1º posto=1 punto / 2º posto=2 puntos / 3º posto=3 puntos....de xeito que o/a atleta con menor suma de puntos, será o/a vencedor/a en cada unha das categorías.
- No caso de empate a puntos o sistema de desempate será o seguinte:
  - Número de probas rematadas.
  - Maior número de mellores postos.
  - Maior distancia en quilómetros recorridos (no caso de que as carreiras teñan distintas distancias).

#### ♦ Premios especiais:

- Recibirán un **diploma conmemorativo** todos/as os/as **corredores/as de circuito** que **rematen todas as probas** do circuito na modalidade na que se inscribiron.



- Recibirán un **diploma conmemorativo** todos/as os/as **corredores/as de circuíto de base** que **rematen todas as probas** do circuíto na modalidade na que se inscribiron.

♦ **Entrega de trofeos aos campións de circuíto:**

Unha vez rematadas as probas do *Circuíto de Carreiras Populares "Correndo pola Costa da Morte"* organizarase un acto de entrega de trofeos/medallas a todos/as os/as tres primeiro atletas en cada unha das categorías, así como un acto de entrega dos premios especiais.

O lugar e data no que terá lugar dito acto de entrega será comunicado coa suficiente antelación.

**Organizan:**



## Patrocinadores



## Colaboradores



FEDERACIÓN GALEGA  
DE ATLETISMO

